




DS

735

A2 W8

19 - -

V. 42



尺木堂綱鑑易知錄卷九

周之炯靜專

綱目續編定本

山陰吳乘權楚材同輯

周之燦星若

元紀

成宗皇帝

名鐵木耳世祖之孫太子真金第三子也。在位十三年壽四十二歲而崩。帝承混

一之後憂國愛民真守成令主末歲寢疾沉諂諛之詞牽帷牆之制赤子此危寇氛四起其不遠亡國者蓋去世祖未遠初政猶可觀爾

綱乙未成宗皇帝元貞元年春二月帝如上都綱翰

林學士承旨雷夢炎致仕。直上以其在先朝言無所

隱厚賜遣之。初世祖嘗問夢炎葉李優劣於趙孟頫。

趙孟頫論
雷葉優劣

對曰。夢炎臣之父執。

父志友也。

其人重厚篤於自信好

謀能斷。有大臣器。葉李所讀之書臣皆讀之。所知所

能臣皆知之。能之。世祖曰。汝以夢炎優於李邪。夢炎

為宋狀元。至宰相。當賈似道誤國。依阿取容。李以布

李賢於夢
炎

衣。乃伏闕上書。是賢於夢炎也。

廣義觀孟頫論夢炎人
品要亦為已而設

及世祖右葉李而左夢賢於時。

綱三月安南入貢。

地震。

綱夏閏四月蘭州

屬陝西
臨洮府

河

黃清目上下三百

蘭州河清

餘里凡三月

非瑞也見七四卷三二發明

綱六月陝西旱饑

秋

九月帝還大都

冬十二月立皇后伯岳吾氏

綱丙申二年春二月以不忽木為昭文館大學士平

章軍國事段貞為平章政事三月帝如上都秋

八月帝還大都

綱丁酉大德元年春正月以也先帖木兒為平章政

事帝如上都綱太后幸五臺山目初為太后建寺

於五臺山

在山西太原府五臺縣

至是成太后將臨幸之監察

御史李元禮上疏言五臺山創建寺宇工役俱興供

李元禮諫太后幸五

億煩重民不聊生。伏聞太后臨幸五臺。尤不可者有
五。盛夏禾稼方茂。民食所仰。騎從經過。不無蹂躪。客
踐踏一也。親勞聖體。經冒風日。往復數千里。山川之
險。萬一調養失宜。悔將何及。二也。天子舉動。必書簡
冊。以貽萬世。書而不法。將焉用之。三也。財不天降。皆
出於民。今日支持調去聲度鐸。百倍曩時。而又勞民傷
財。以奉土木。四也。佛以慈悲為教。雖窮天下珍玩。供
養不為喜。雖無一物為獻。亦不怒。今太后欲為兆民
祈福。而先勞聖體。使天子曠定省。見八四之禮。五也。

李元禮可
賞

伏望回轅中道。端處深宮。上以循先皇后之懿範。次以盡聖天子之孝誠。下以慰元元見上卷末之望。如此則不祈福而福自至矣。臺臣不敢以聞。其後侍御史萬僧與中丞崔彧郁有隙。取元禮章封入奏之。曰。崔中丞私比漢人李御史。爲大言謗佛。謂不宜建寺。帝大怒。敕完澤不忽木鞠窮罪也推之。完澤曰。往吾亦嘗以此諫。太后曰。我非喜建此寺。蓋先帝嘗許爲之。非汝所知也。不忽木曰。他御史懼不敢言。言者惟一元禮可賞也。完澤等入言之。帝沉思良久曰。御史言是也。

祇星出奎

紉金易知錄

卷九

三

乃罷萬僧。復元禮職。**綱**秋七月。祇星出奎。九月。帝

還大都。**綱**冬十月。以吳元珪為吏部尚書。**目**時選曹

銓注多有私。其鄉人者。元珪曰。此風不可長。自視事。

請謁悉皆謝絕。**綱**禁諸王駙馬奪民田。仍禁民間以公私土田呈

獻及受其獻者

綱戊戌二年春二月。以張九思梁德珪並為平章政

事。**目**初太子真金卒。朝議欲罷詹事院。九思時為詹

事。丞抗言曰。皇孫宗社人心所屬。視詹事正所以輔

成道德者。奈何罷之。尋進拜中書左丞。德珪一名梁

梁德珪諷

定歲課三十取一

諳都刺世祖時參知政事治事有敏才京師地震世

祖怪州郡報囚之數過多德珪曰當國者急於徵索

莫延收繫以致此爾帝悟為去聲赦中外逋布平聲負

尋拜右丞綱帝如上都夏五月以何榮祖為平章

政事秋九月帝還大都冬十二月定歲課三十取

一命廉訪司歲舉廉幹者各二人綱彗星見五卷

見綱出子孫星下

綱已亥三年春正月遣使問民疾苦綱以哈瞎上聲刺

哈孫為左丞相綱二月帝如上都綱命何榮祖等更

有賢能
言其能

定律令。帝諭榮祖曰。律令良法也。宜早定之。既而書成上之。且言臣所擇者三百八十條。一條有該三四事者。帝曰。古今異宜。不必相沿。詔元老大臣聚聽之。未及頒行而榮祖卒。綱秋九月。帝還大都。冬十二月。以阿魯渾薩里爲平章政事。綱命兄子海山鎮漠北。目海山帝兄答剌麻八剌之長子。帝以寧遠王闊闢出總兵北邊。怠於備禦。命海山卽軍中代之。綱庚子四年春二月。皇太后弘吉刺氏崩。目后有賢德。事昭睿順聖皇后。執婦道甚謹。及尊爲太后。后之

禁酒

弟欲因后求官。后拒之曰。勿以累我也。崩諡徽仁裕

聖皇后。綱三月。帝如上都。夏四月。以不蘭奚為平

章政事。綱五月。昭文館大學士平章軍國事不忽木

卒。贈魯國公諡文貞。綱秋閏八月。帝還大都。

綱辛丑五年。秋八月。彗出井。入紫微垣。綱九月。禁酒。

時以歲凶禁酒仍弛山澤之禁聽民漁獵

綱壬寅六年春正月詔收富民護持璽書。帝詔臺

臣曰聞江南富民侵占去民田致貧者流徙卿等亦

聞之否對曰富民多乞護持璽書依倚以欺貧民官

府不能詰乞治宜悉追收爲便命卽行之母越三日

綱二月帝有疾夏四月帝如上都五月太廟寢

殿災冬十月帝還大都

綱癸卯七年春二月以阿老瓦丁木八剌沙並爲平

章政事**綱**沐諸司完冗本員**綱**定中書省自左右丞

相而下平章政事二員左右丞各一員參知政事二

員定爲八府**綱**三月遣使巡行上天下罷賊汚官吏

七十三人審免獄五**綱**復以鐵哥爲平章政事帝

千一百七十六事如上都**綱**蘭谷今浙江金華處士金履祥卒**綱**履祥

少從學同郡王柏見八九卷十二及何基見同上之門二人蓋

得朱熹之傳者宋將亡遂絕意進取屏居金華山

中嘗以劉恕見七十二卷二十外紀恕作記司馬氏通鑑見同上

以前事不本於經外謬不可信乃斷短自尚書旁采

子諸史史記損益之作通鑑前編他如論孟大學諸經

傳及禮樂書各有注疏授其門人許謙以傳當時以

為基之清介純實似尹和靖見七十六卷二十柏之高明剛正

似謝上蔡謝良佐河南汝寧府上履祥則親得之二

氏而並克於已者也居仁山之下學者因稱仁山先

生至正

順帝年號

中賜諡文安

綱

夏閏五月右丞相完澤

卒

秋七月以哈剌哈孫爲右丞相阿忽台爲左丞

相

綱

八月地震

目

平陽

今山西平陽府

太原

今山西太原府

尤甚村

堡移徙地裂成渠壞

怪

廬舍萬八百區人民壓死不

可勝

升

計詔問致災之由齊履謙言地爲陰而主靜

妻道臣道乎道也三者失其道則地爲去聲之不寧弭

米之之道大臣當反躬責已去專制之威以答天變

不可徒爲祈禳也時帝寢疾宰臣及中宮專政故履

謙言及之而集賢

院名

大學士陳天祥亦上書極陳陰

三月隕霜
殺桑

陽不和。天地不位。爲時政之弊。言尤切直。執政者惡之。抑不以聞。天祥自被召起。且一歲。每以不得一見。帝言鬱鬱不自釋。尋復謝病歸。**[綱]**九月。帝還大都。復以木八剌沙爲平章政事。**[綱]**十二月。甚出紫微垣。**[綱]**甲辰。八年春。正月。地震。二月。帝如上都。秋。九月。帝還大都。冬。十月。立海山爲懷寧王。**[綱]**乙巳。九年春。三月。帝如上都。隕霜殺桑。**[綱]**夏。四月。大同。合山西大同府地震。**[綱]**有聲如雷。壞怪官民廬舍五千餘間。壓死二千餘人。**[綱]**六月。立子德壽爲皇太子。

綱秋七月命兄子愛育黎拔力八達居懷州。今河南懷慶府。

臣答剌麻八剌次子海山母弟也。綱以段貞八都馬

給曲阜林廟灑掃戶

辛並為平章政事。八月給曲阜林廟灑掃戶。綱賈

古胡獻寶珠。臣西域賈人有獻珍寶求售者。議以六

十萬錠酬其直。省臣有謂左丞尚文者曰。此所謂押

押忽大珠

忽大珠也。六十萬錠之。不為過矣。文問何所用之。答

曰。含之可不渴。慰畏面可使目有光。文曰。一人含之。

千萬人不渴。則誠寶也。若一寶止濟一人。則用已微。

矣。吾之所謂寶者。米粟是也。有之則百姓安。無則天

下亂。以功用較之。豈不愈於彼乎。**綱**九月。帝還大都。

綱冬。十二月。太子德壽卒。

綱丙午。十年。春。閏正月。以徹里阿散並為平章政事。

綱二月。帝如上都。冬。十一月。帝還大都。十二月。有

疾。

綱丁未。十一年。春。正月。安西王阿難答及諸王明里

帖木兒入朝。**綱**帝崩。廟號成宗。國語稱曰完澤篤皇帝。**綱**左丞相阿

忽台等謀奉皇后臨朝。以安西王攝政。右丞相哈剌

哈孫遣使迎懷寧王海山於漠北。及其弟愛育黎拔

哈剌哈孫
迎懷寧兄

力八達於懷州。后以已嘗謀出愛育黎拔力八達及其母居懷州。至是恐其兄懷寧王立必報前怨。乃命名安西王入京師。欲立之。而左丞相阿忽台平章賽典赤八都馬辛伯顏及諸王明里帖木兒陰左右俱去之。謀斷。短海山歸路。奉皇后垂簾聽政。立安西王輔之。時右丞相哈刺哈孫收百司符印封府庫。稱疾守宿掖門。宮掖之門內旨日數至。皆不聽。衆欲害之。未敢發。懷寧王適遣康里脫脫計事京師。哈刺哈孫令急還報。復遣使南迎愛育黎拔力八達於懷州。**綱**二

正弟爲皇太子

月愛育黎拔力八達至自懷州。誅阿忽台等。執阿難答歸於上都。綱夏五月。懷寧王海山至上都。廢皇后伯岳吾氏居東安。殺之。誅安西王阿難答及諸王明里帖木兒。遂卽位。大赦。以阿沙不花爲平章政事。遣侍其母弘吉刺妃來會於上都。綱追尊考曰順宗皇帝。尊母弘吉刺氏爲皇太后。加哈刺哈孫朶兒朶海並太傅。阿沙不花太尉。以塔刺海爲左丞相。朶兀兒乞台普濟明里不花並平章政事。六月。立弟愛育黎拔力八達爲皇太子。以朶兀兒不蘭奚並爲平章政事。綱

秋七月封禿刺為越王。

以手擒阿忽台功也。

左遷右丞相哈刺

哈孫為和林

見上卷二四

左丞相

以力諫禿刺之也。

以月赤

察兒為和林右丞相進爵淇陽王。

綱以塔刺海為右

丞相塔思不花為左丞相塔失海牙教化法忽魯丁

別不花並平章政事

綱制加孔子號曰大成

義廣歷代

制加孔子號曰大成

加吾夫子之尊號者至元武宗可謂至矣蓋矣不可

以有加矣後有欲尊吾夫子者殆恐不及元人此舉

之為

目制曰先孔子而聖者非孔子無以明後孔子

而聖者非孔子無以法所謂祖述堯舜憲章文武儀

範百王師表萬世者可加大成至聖文宣王遣使

賜諸王孝經

闕里

見二二卷叶八

祀以太牢

牛曰太牢

於戲父子之親君臣之

義永為聖教之遵天地之太日月之明美聲名言之

妙尚資神化祚我皇元

綱

八月

賜諸王孝經

義

廣

賜諸王孝

經者歷代未嘗見諸史冊也元人此舉深

得以孝治天下之旨特書於冊美可知矣

目

中書右

丞

字羅帖木兒

以國字譯孝經進詔曰此孔子微言

王公庶民皆當由是而行命刻板摹印諸王以下咸

賜之**綱**以塔海為平章政事九月帝至自上都**綱**

冬十二月

徵處士蕭軒

居

為太子右諭德

目

陝西

奉元人

初出為府史

語當道不合即引退力學三十

年不求進。鄉人有暮行遇盜。詭曰。我蕭先生也。盜驚

愕釋去。世祖時辟壁舉也。為陝西儒學提舉。不赴。後累

授集賢直學士。國子司業。改集賢侍讀學士。皆不赴。

至是徵名也。拜太子右諭德。扶病至京師。入覲東宮。書

酒周書篇名。商受。酹酒。天下化之。妹土。商之都邑。

之為獻。以朝廷時尚酒也。尋以病請解職。或問之。則

曰。禮東宮東面。師傅西面。此禮今可行乎。俄擢集賢

學士。國子祭酒。依前右諭德。疾作。固辭而歸。卒諡貞

蕭料書酒
語為獻

敏。

綱目不滿
蕭軒之意

靜軒周氏曰凡徵處士不起者則書不至受職而復還者則書尋辭歸或書尋遣歸此通例也今蕭軒累徵不起及至而以病辭歸此何以不書辭歸而直書為太子右諭德若真仕於朝者是蓋不滿之意也則既不欲仕則亦已矣況前累名不起今而扶病至京何耶原其心不過向之辟為儒學提舉未親君也後之授為國子司業亦未親君也迨至太子諭德則志得意滿雖疾不辭奈何禮貌既衰疾作解職又豈誠於恬退者哉綱目削去其辭歸其不滿之意可見耳

武宗皇帝名海山答剌麻八剌之長子成宗姪也初封懷寧王總兵北邊成宗崩諸王立之在位四年壽三十歲而崩。帝慨然欲創治改法而有為故其封爵太濫賜資太沒至元大德之政於是稍有變更云

綱目戊申武宗皇帝至大元年春正月以阿沙不花為

綱目卷一百一十五 武宗 十一

右丞相行御史大夫事。田初阿沙不花見帝容色日

悴乘閒

閑。乘空閒處。

進曰陛下八珍之味不知御萬金之

身不知愛而惟麴

麴本字

蘖

蘖則太

牙米也作酒者麴多苦蘖多則太甘麴蘖

兩斧伐孤樹

得中然後成酒商書若作酒醴爾惟麴蘖

是耽妃嬪是好是猶兩斧伐孤

樹未有不顛仆者陛下縱不自愛獨不思祖宗付託

之重天下仰望之切乎帝大悅曰非卿孰為朕言因

命進酒阿沙不花頓首謝曰臣方欲陛下節飲而反

勸之是臣之言不信

伸

於陛下也臣不敢奉詔左右

皆賀帝得直臣遂授右丞相行御史大夫事尋以太

李邦寧
平章

予諸復入中書既又賜爵康國公

綱以脫脫木兒爲平章政事綱夏六月隴西今陝西臨洮府

雲南地震綱加宦者李邦寧大司徒兼左丞相

邦寧在宋爲小黃門初從瀛國公宋恭宗八見世祖西

給事內庭至是帝欲以爲浙江平章辭曰臣以閹腐

餘命前朝赦而用之今陛下復欲置臣宰輔臣聞宰

輔者佐天子共治天下者也奈何辱以寺人也閹宦也陛

下縱不臣惜如天下後世何誠不敢奉詔帝大悅加

大司徒遙授左丞相仍領太醫院事綱秋七月以答

思不花爲右丞相。乞合普濟爲左丞相。**綱**八月。諸路
水旱蝗。**目**江淮民採草根樹皮爲食。而河南山東有
父食其子者。詔凡遣使賑貸之處。差稅並蠲除之。旣
而省臣言。夏秋之間。鞏昌今陝西鞏昌府地震。歸德今河南歸德府
暴風。濟寧今山東兗州府濟寧州泰安今山東濟南府泰安州眞定今直隸眞定府
大水。民居蕩析。江浙饑荒之餘。疫癘大作。死者相
枕藉。父鬻其子。夫離其妻。哭聲震野。所不忍聞。是皆
臣等不才。猥當大任。以致政事乖違。陰陽失序。願退
位以避賢路。帝曰。災害事有由來。非爾等所致也。但

以西僧為翰林學士

當慎所行爾。綱九月。帝還大都。綱冬十月。以西僧教瓦斑為翰林學士承旨。綱十一月。以乞台普濟為右丞相。脫脫左丞相。閏月。太傅哈刺哈孫卒。諡忠獻。綱詔有司贖饑民所鬻子女。以赤因帖木兒為平章政事。

綱己酉二年春正月。帝如上都。秋八月。復置尚書省。以乞台普濟為右丞相。脫虎脫為左丞相。三寶奴樂實為平章政事。保八為右丞。忙哥鐵木兒為左丞。王禕參知政事。綱置太子右衛率同帥。太府。命

太子潛龍

右丞相脫虎脫御史大夫不里牙敦領府事取河南
蒙古軍萬人隸之王約曰左衛率府舊制有之今置
右府何爲諸公深思之不可以累儲宮也太子又命
取安西兵器給宿衛士約謂詹事完澤曰詹事移文
千里取兵器人必驚疑主上聞之奈何完澤愧曰實
慮不及此家令薛居言陝西分地五事命往理之約
不爲去聲署行語去聲之曰太子潛龍也當勿用之時爲
飛龍之事可乎易乾卦初九潛龍勿用九五飛龍在天遂止太子喜諭
羣下曰事未經王彥博字約議者勿啓綱九月帝還大

都綱冬十一月以阿散爲尚書左丞相行中書平章

政事

綱庚戌三年春正月徵李孟入見以爲平章政事同

知樞密院事

李孟愛育黎拔力八達之傳也大德十一年二月愛育黎拔力八達自懷州至

大都誅阿忽台等

執阿難答歸上都遣使奉璽北迎

武宗遂自監國

俾李孟參知政事孟曰執政大臣當

自天子親用

今鑾輿在道孟未見顏色誠

不敢冒大任

固辭勿許遂逃去不知所之

逃去有譖於帝者

曰內難初定時孟嘗勸皇太子見

九自取帝弗之信

一日太子侍內宴忽戚然改容帝

曰吾弟何不樂

太子從容起謝曰賴天地祖宗神靈

曰吾弟何不樂太子從容起謝曰賴天地祖宗神靈

仁宗舉李

神器見二十卷十七有歸然成今日母子兄弟之權者李道

復孟字之功居多適思之不自知其變於色也帝即命

搜訪之得於許昌今河南開封府許州陘山名見謂宰臣曰

此皇祖妣命為朕賓師者宜速任之至是乃授中書

平章事集賢名院大學士同知樞密院事綱立皇后弘

吉刺氏二月寧王闊闢出謀反流于高麗以樂

實為尚書左丞相三月帝如上都夏五月荆襄

大水山崩秋九月帝還大都

綱辛亥四年春正月帝崩廟號武宗國語稱曰曲律皇帝綱皇太子

仁宗賢於
武宗遠

罷尚書省。誅脫虎脫。三寶奴。樂實保八。王罷流忙哥。
鐵木兒于海南。皇太子以脫虎脫等變亂舊章。流
毒百姓。凡誤國者。欲悉按誅之。延慶使楊朵兒只諫
曰。爲政而首尚殺。非帝王治也。太子感其言。特誅其
尤者。既而御史言脫虎脫等。既正典刑。而黨附之徒。
布在百司。若字羅鐵木兒。闊里吉思。烏馬兒等。姦貪
害政。今中書方欲用爲各省平章參政等官。宜加罷
黜。從之。廣仁宗速改其兄之不善。其賢於武宗。以鐵
木迭兒爲右丞相。完澤李孟並平章政事。
綱名先朝

名先朝舊臣

舊臣程鵬飛等十五人。名先朝諳知政務老臣。程

鵬飛董士選李謙張驢陳天祥尚文劉正郝天挺董

士珍蕭剡居劉敏中王思廉韓從益趙君信程文海

十五人。詰闕同議庶政。天祥等五人不至。謙至首陳

九事。正陳八事。皆欲朝廷守成憲。開賢路。重名爵。節

財用。興學校。定律令。舉切時弊。二月罷康里脫脫

爲江浙行省左丞相。三月皇太子卽位。大赦。寧

夏地裂。綱遣宦者李邦寧釋奠于孔子。邦

寧旣受命行禮。方就位。忽大風起殿上。及兩廡燭盡

宦者行釋奠禮

滅燭臺底鐵罇

存去聲

入地尺許無不拔者。邦寧悚息

伏地。諸執事者皆伏。良久風息乃成禮。邦寧因慚悔

累日。○初帝在東宮。邦寧知三寶奴等畏帝英明。乘

閒言於武宗曰。陛下富於春秋。皇子

和世珠。珠音臘。

漸長。

父作子述。古之道也。未聞有子而立弟者。武宗不悅。

曰。朕志已定。汝自往東宮言之。邦寧慚懼而退。及帝

即位。左右咸請誅之。帝曰。帝王曆數自有天命。其言

仁宗不罪李邦寧

何足介懷。加邦寧開府儀同三司。爲集賢院大學士。

尋卒。綱。秋閏七月。賜李孟爵秦國公。目孟感帝知遇。

頗以國事爲已任。見當時賜予太廣。名爵太濫。風俗

太僭。擬無章。每勸帝言。人君之柄。在刑與賞。刑不足

懲。賞不足勸。何以爲治。帝在懷州。見上深見吏弊。既

即位。欲痛剋。

產制也。

除之。孟曰。吏亦當有賢者。在激厲

之而已。帝曰。卿儒者。宜與此曹氣類不合。而曲爲保

護如此。眞長者之言也。嘗謂之曰。朕在位。必卿在中

書。賜爵秦國公。圖其像。命詞臣贊之。每入見。稱曰。道

復而不名。**綱**增國子生爲三百人。**目**初帝命李孟領

國子學。諭之曰。國學人材所自出。卿宜數朔課諸生。

李孟長者之言

陪堂生

件讀

勉其德業。至是又諭省臣曰：昔世祖注意國學，如不
忽木等皆蒙古元本人而教以成材，朕今親定國子
生為三百人，仍增陪堂生二十人，通一經者以次補
伴讀，著為式。既而孟等言：方今進用儒者而老成日
以凋謝，四方儒士有成材者，請擢任國學翰林祕書
太常或儒學提舉等職，俾學者有所激勸。帝從之，詔
自今勿限資給果材而賢，雖白身亦任用之。綱冬十
一月，復以阿散為平章政事。

仁宗皇帝

名愛育黎拔力入達，武宗同母弟也。武宗舍子而立，弟為皇太子，遂嗣位。在位九年。

壽三十六歲而崩。帝天性恭儉，通達儒術，不事遊畋，不喜征伐，不崇貨利，事皇太后終身不違顏色。待宗戚勳舊始終以禮，有司奏大辟，每慘惻移時，其孜孜為治，一遵世祖成憲云。

綱壬子，仁宗皇帝皇慶元年春正月，制進翰林國史

院秩。帝諭省臣曰：翰林集賢儒臣，須朕自選用，毋

輒擬奏。人言御史臺任重，朕謂國史院尤重。蓋御史

臺是一時公論，國史院是萬世公論。於是陞翰林國

史院秩從一品，尋敕博選中外才學之士居之。**綱**夏

四月，帝如上都。五月，以阿散為左丞相，張驢為平

章政事。**綱**六月，敕左右勿僥倖乞加官。**綱**時朝廷封

國史萬世
公論

郝天挺請
慎惜名器

復請久任
內外官

拜繁多。羣臣無功而受王公之爵者。前後相繼。於是
誠左右勤職業。勿妄僥倖加官。御史中丞郝天挺言。
自先帝卽位之時。大事初定。故於左右三五有功之
人。爵之太高。遂使近倖之臣。因而相襲。王公師保。接
迹於朝。比者雖令追卽裁罷。曾未經歲。又復紛然。春
秋云。服之不衷。身之災也。語在左傳僖公二年。哀適也。是以朝
廷名器。見四卷十九。重則斗升之祿。足以鼓舞豪傑。名器
濫則雖日拜卿相。而人不勸矣。又言。國初設官。在內
須三十月在外。須三周歲。考其殿顛去聲最。以爲黜陟。

比者省院臺部之臣久者一二歲少者三五月甚有旬日之間而屢遷數易者奔走往來之不暇何暇宣風布化參理機務哉。乞自今惟大臣可急闕選授其餘內外大小官屬必候任滿方許超遷庶免朝除夕改啓倖長奸之弊。

[綱]

[綱]

之。

李孟罷以張珪爲平章政事。帝欲以俗人曹咬住爲禮部尚書珪曰俗人爲宗伯何以示後世。力諫止

[綱]癸丑二年春二月鐵木迭兒罷以禿忽魯爲右丞

相立皇后弘吉刺氏。**綱** 見五卷 出東井。**臣**丞相

禿忽魯言頻年亢旱民黎艱食而又隕霜雨去聲沙天

象示警皆由臣等變理見六七卷十七不職所致乞罷黜以

答天譴帝曰事豈關汝其勿復言。**綱**夏四月帝如上

都五月以烏伯都刺為平章政事六月京師地

再震。**綱**詔以周敦頤程顥程頤張載邵雍司馬光朱

熹張栻呂祖謙許衡並從祀孔子廟庭。**綱** 書詔以諸賢從祀者

崇道也。**綱**秋八月帝還大都。**綱**冬十一月初詔行科舉

臣初世祖時議定科舉新制未及行至是中書省臣

賢從祀

三開

復以爲言。乃命定其條制。詔天下三歲一開科。蒙古

色目人。與漢人南人各命題。蒙古色目人。願試漢人

南人科目中選者。加一等注授。綱京師大旱。疫。帝

問弭災之道。翰林學士程鉅夫舉湯禱桑林事。見

卷八。以對。帝歎曰。此實朕之責也。赤子何罪。

綱甲寅。延祐元年春正月。詔求遺逸。二月。禿忽魯

罷。以阿散爲右丞相。趙世延參知政事。三月。帝如

上都。夏六月。敕自今宦者勿得授文階。秋八月。

帝還大都。地震。九月。復以鐵木迭兒爲右丞相。

阿散爲左丞相。綱冬。詔吏坐贓罪者黥其面。十二
月。復以李孟爲平章政事。綱復以齊履謙爲國子司
業。目初。履謙與吳澄俱在國學。既罷去。學制稍廢。至
是。復以履謙爲司業。乃酌舊制。議立升齋積分之法。
每季考其學行。以次第升。既升。上齋。踰再歲。始與
私試。辭理俱優者。一分。辭平理優者。爲半分。歲終積
至八分者。爲高等。禮部集賢歲選六人。以貢。帝從其
議。

綱乙卯二年春正月。遣使巡行天下。

分七十二道。問民
疾苦。黜陟官吏。

綱三月初賜進士護都魯兒張起巖等五十六人及

第出身有差分進士為兩榜蒙古色目人為右漢人南人為左第一名從六品第二名以下

仁宗有元

文明之主

及第二甲皆正七品第三甲正八品兩榜並同明主矣前書初詔行科舉此

書初賜進士元自混一主是歷三主四十餘年所未

嘗行至仁宗而始行之則其興賢育才之意良可見

屹然為一

代之規模

矣是以皇慶延祐之治號稱治平良以此也若仁宗

者誠功光祖宗德垂後世而屹然為一代之規模焉

耶豈不綱張驢罷夏四月帝如上都綱五月成紀

上移

縣今陝西鞏昌府秦州山移綱是夜疾風電雹北山南移至西

河川次日再移平地突出土阜高者二三丈陷沒民

居監察御史馬祖常言山不動之物今而動焉由在

加官大
學士

野有當用不用之賢在官有當言不言之佞故致然

耳。**[綱]**加官續元暉昭文館大學士。**[發]**去年夏書敕

得授文階至是年五月僅克踰昔而書加官者續

元暉昭文館大學士曾謂學士之職非文階乎。**[綱]**

秋八月帝還大都以趙世延為御史中丞冬十

月以郭貫為參知政事。**[綱]**十一月彗見紫微垣。**[見上]**

入赦。**[綱]**立武宗子和世琜。**[鳳]**為周王出鎮雲南。**[廣仁宗]**

此舉即宋太宗之所為也。**[目]**初武宗既立帝為太子

後丞相三寶奴復勸立和世琜名康里脫脫言之脫

脫曰太弟曩定宗社居東宮已久兄弟叔姪世世相

承孰敢紊其序乎。三寶奴曰。今日兄已授弟異日能保叔授其姪乎。脫脫曰。在我不可渝也。彼失其信。天實鑒之。至是議立太子。丞相鐵木迭兒欲邀寵請立皇子碩德八剌。又與太后幸臣失烈門譖王於兩宮。遂封爲周王。遣出鎮雲南。**綱**詔免江浙等三省自實田租二年。

郭守敬天
文水利

綱丙辰三年春三月。帝如上都。平章政事張瑄謝病歸。**綱**太史令郭守敬卒。**目**守敬之學長於天文水利。太史令王恂以學自負。每見守敬制度精巧。深歎服。

之王禕曰自宋以來學者於天文水利之故不講久矣守敬獨能任其絕學度越往古以成一代之制

綱夏五月以伯鐵木兒蕭拜住並為平章政事秋

八月帝還大都綱冬十月以趙孟頫為翰林學士承

旨綱帝在東宮素知其名及即位名除集賢侍講學

士至是拜翰林學士承旨有開諫之者言國史不宜

令孟頫與帝曰子昂孟頫字世祖所簡拔朕置之館

閣使典述作傳之後世此屬嘽嘽謹也何也復厚賜

之廣子昂以趙宋宗室臣事讎元其醜固不足言矣

愧子昂於千古

張世傑為何人矣嗚呼悲哉綱目記十一月周

其時月而大書之者愧子昂於千古也綱十一月周

王和世琰逃居漠北。立子碩德八剌爲皇太子。

綱丁巳四年春三月帝如上都。**綱**夏四月不雨。**目**帝

嘗夜坐謂侍臣曰雨暘不時奈何蕭拜住曰宰相之

過也帝曰卿不在中書邪拜住惶愧頓之帝露香禱

於天既而大雨左右以雨衣進帝曰朕爲民祈雨何

避焉。**綱**五月以赤因鐵木兒阿卜海牙並爲平章政

事。六月鐵木迭兒罷以阿散爲右丞相。以烏伯

都剌復爲平章政事。秋七月李孟罷以王毅爲平

章政事。**綱**賜衛士錢帛。**目**帝出見衛士有弊衣者駐

馬祖常諫
飲酒及居
東宮

馬問之對曰。戍守邊鎮餘十五年。以故貧耳。帝曰。此輩久勞於外。畱守臣未嘗以聞。非朕親見。何由知之。自今有類此者。必言於朕。因命賜之錢帛。綱八月。帝還大都。帝在御已久。猶居東宮。而飲酒無度。監察御史馬祖常上書言。天子承天繼統。當極保愛。玉食之御。猶審五味之宜。酒醴之供。可不愆。而拜之義。大內正衙朝賀之地。雖陛下不忘東宮之舊。竊慮起民間觀聽之疑。且國家百年朝儀。尚闕誠。使羣臣奏對之際。御史執簡。史官執筆。則雖有懷奸利之官。賞

者不敢出諸其口。乞令中書集議。或三日二日。常出視朝。則治道昭明。生民之福也。**綱**九月。以伯答沙爲右丞相。阿散復爲左丞相。**臣**初。阿散奏事畢。帝問曰。卿等日所行者何事。對曰。奉行詔旨而已。帝曰。卿等何嘗奉行朕旨。雖祖宗遺訓。朝廷法令。皆不遵守。夫法者。所以辨上下。定民志。自古未有法。不立而天下治者。使人君制法。宰相能守法。則民知畏避。免於刑戮。若法弛民慢。怨言並興。求治難矣。阿散因言。故事丞相必用蒙古勳臣。阿散西域人。不厭煙入人望。因

金字佛

懇辭遂以宣徽使伯答沙為右丞相阿散仍左丞相
綱嶺北地震三日

綱戊午五年春二月寫金字佛經夏四月以千奴

史弼並為平章政事帝如上都秋八月帝還大

都九月以亦列赤為平章政事

綱已未六年夏四月帝如上都綱以鐵木迭兒為太

子太師綱鐵木迭兒家居未逾年復舊緣起為太

趙世延論
鐵木迭兒

子太師中外聞之莫不驚駭時御史中丞趙世延論
其不法數十事并內外臺劾其不可輔導東宮者又

四十餘人。然以太后之故。皆不聽。**綱**揚州火。燬官民廬舍二

萬三千三百餘區。**綱**六月。山東淮南諸路大水。秋八月。帝

還大都。冬十二月。詔太子參決朝政。

綱庚申七年春正月朔日。食。帝崩。廟號仁宗。國語稱曰普顏篤皇帝。

綱伯答沙罷。**綱**太后以鐵木迭兒為右丞相。**綱**帝崩

方四日。鐵木迭兒遂以太后命復入中書。後數日。參

議省事。乞失監有罪。應杖。太后又欲笞之。太子曰。不

可。法者。天下之公。徇私而輕重之。非所以正天下也。

徽政院使失烈門復以太后命。請遷轉朝官。太子曰。

法者天下之公

此豈除官時邪。且先帝舊臣豈宜輕動。俟予卽位之
後。議於宗親元老賢者任之。邪者黜之可也。**綱**二月
太子以黑驢趙世榮並爲平章政事。**綱**鐵木迭兒殺
前中書平章政事蕭拜住。御史中丞楊朶兒只。以蕭拜住
及朶兒只攻其**綱**三月太子卽位。太赦。尊皇太后
奸惡故報之也。**綱**爲太皇太后。皇后爲皇太后。加鐵木迭兒太師。**綱**
奪李孟封爵。左遷爲集賢侍講學士。**綱**鐵木迭兒以
孟初不附已讒構於上。盡奪其前後封拜制命。什其
先墓碑。左遷爲集賢侍讀學士。欲因其不就中害之。

李孟拜命
欣然

却七寶帶

孟拜命欣然。帝謂鐵木迭兒子八爾吉思曰：爾輩謂孟不肯爲是官，今何如？由是無敢言者。綱以拜住爲平章政事。夏四月，帝如上都。綱近臣獻七寶帶，却之。綱有獻七寶帶者，因近臣以進。帝曰：朕登大位，不聞卿等進賢而爲人獻帶，是以帶誘朕也。其還之。綱阿散罷，以拜住爲左丞相，乃剌忽塔失、海牙並平章政事。綱平章政事黑驢、御史大夫禿禿哈等謀逆，謀廢立也。伏誅。綱以鐵木兒脫爲平章政事。六月，以康里脫脫爲御史大夫。秋七月，乃剌忽罷，以廉憚爲

妒服之暴
享太廟

平章政事。綱八月下四川。平章政事趙世延獄。初
世延既解中丞。出爲四川平章。鐵木迭兒猶怨之不
已。仁宗崩。卽屬祝其黨誣告之。逮世延。對既遇赦。
猶鍛鍊成獄。請置極典。詔以經赦。置不問。鐵木迭兒
更以他事罔上。繫之於獄。逼令自裁。世延終無屈。綱
冬十月。帝還大都。綱十一月。始服袞冕。享太廟。帝
將以四時躬享太廟。命禮官與中書翰林集議其禮。
制曰。此追遠報本之道也。毋以朕勞於對越。詩周頌
天越也而有所損焉。至是以恭謝太廟。乃備法駕服袞
於也。

冕以行禮。至仁宗室。輒歔歔。

悲泣氣咽而抽息也。

流涕左右莫

不感慟。自是始以明年正月。因時親享歲。以為常。禮

畢還宮。鼓吹交作。萬姓聳

驚也。

觀。百年廢典。一旦復見。

至有感泣者。

綱

河南饑。

目

帝問其故。羣臣皆莫對。帝

曰。良由朕治道未洽。卿等又不盡職。致陰陽不和。災

害荐至。自今宜各務勤恪。以應天心。毋使吾民重因。

綱詔上書言事者得專達。

英宗皇帝

名碩德八剌。仁宗嫡子。在位三年。為御史大夫。鐵失所弑。年二十一。帝性至孝。仁

宗不豫。焚香告天。泣願身代。及嗣位。事多明斷。然以果於刑戮。奸黨畏誅。遂構大變。

燈禁中

綱辛酉英宗皇帝至治元年春正月罷元夕張燈于

禁中。日帝欲以元夕張燈禁中為釐同山時張養浩

以禮部尚書參議中書省事遂具疏因拜住以諫曰

世祖臨御三十餘年每值元夕閭閻之閒燈火亦禁

況闕庭宮掖掖宮之嚴遂歲尤當戒慎今燈山之構

所玩者小所繫者大所樂者淺所患者深帝大怒既

而喜曰非張希孟字養浩不敢言即罷之賜養浩尚服

金織幣以旌其直。綱二月殺監察御史觀音保等。日

時敕建西山在直隸順天府城西佛寺甚盛御史觀音保鎖咬

臣 侯佛殺諫

兒哈的迷失。成珪。李謙亨。以歲饑且東作。

春月歲功方興所當

作起之事也。虞書平秩東作。

方興上章極諫。帝怒。殺觀音保鎖咬。

兒哈的迷失。杖珪。謙亨。流奴兒干地。**綱**三月。帝如上

都。以鐵失為御史大夫。領侍衛親軍都指揮使。**綱**

夏四月。遷武宗子圖帖睦爾于瓊州。今廣東瓊州府。**綱**六月。

以只兒哈郎為平章政事。秋九月。帝還大都。冬。

十二月。立皇后。亦啓烈氏。

綱壬戌二年春正月。敕有司卹孔氏子孫貧乏者。**綱**

二月。以欽察買閭並為平章政事。夏四月。帝如上

孔氏子

都。秋八月。鐵木迭兒卒。太皇太后弘吉刺氏崩。

綱九月。京師地震。**綱**冬十月。以拜住為右丞相。鐵木迭兒

死。進拜住右丞相。遂不置左相。獨任以政。**綱**復以張瑄為平章政事。

綱癸亥三年春正月。起王約。吳元珪。韓從益。商議中

書省事。吳澄為翰林直學士。**綱**拜住為相。即薦老臣。庶乎其得體矣。**綱**

拜住尊禮
老臣

時約等以年老致仕。丞相拜住。一新政務。尊禮老臣。

傳詔復起約等。俾以其祿家居。每日一至中書省議

事。至治之政。多所參酌。澄延祐仁宗年號初詔起為集賢

直學士。以疾不果行。至是以拜住薦起為翰林直學

士。綱出趙世延于獄。綱二月。敕寫金字藏。去經。日時

方書金字藏經帝在上都使左丞速速諡學士吳澄

爲序。澄曰。主上寫經爲民祈福甚盛舉也。若用以追

薦臣所未諫。蓋福田利益。雖人所樂聞。而輪回之說

不過謂爲善者死。則上通高明。其極品與日月齊光

爲惡者死。則下淪污穢。其極下與沙蟲同類。其徒遂

創爲薦拔之論。以惑世人。今列聖之神。上同日月。何

庸薦拔。且自國初以來。凡寫經追薦。不知其幾。若未

效。是無佛法矣。若已效。是誣其祖矣。撰爲文辭。不可

以示後世。明發吳澄拒元人之詔可謂不忠而綱三月

帝如上都。夏六月大風拔木。綱奉元行宮正殿災。

目帝語去聲羣臣曰。世皇建此宮室。至朕而燬。實朕不

能圖治之故也。嘗御大安閣。見太祖世祖遺衣。皆縑

兼并絲絹也。素木綿重加補綴。拙嗟歎良久。謂侍臣曰。祖

英宗不忘
先祖節儉

宗創業艱難。服用節儉。乃如此。朕焉敢頃刻忘之。義廣

觀英宗不敢忘其祖之節儉其童方乃祖田舍翁過於方乃祖於田舍翁者遠矣註見三十六卷十綱

秋八月癸亥御史大夫鐵失弒帝于南坡。及右丞相

拜住。目初鐵木迭兒既奪爵籍產。是年六月追奪鐵木迭兒官爵籍沒

其家鐵失等以奸黨不安。帝在上都以夜寐不寧。命

作佛事。拜住以國用不足諫止之。既而懼誅者復陰

誘羣僧言國當有厄。非作佛事大赦。無以禳之。拜住

叱曰。爾輩不過圖得金帛而已。又欲庇有罪邪。奸黨

聞之益懼。乃生異謀。至是帝自上都南還。駐蹕

見六卷

二十南坡。是夕鐵失與知樞密院事也先鐵木兒諸王

按梯不花等謀逆。鐵失先與前平章政事赤斤鐵木

兒殺右丞相拜住。而鐵失直犯禁幄。手弑帝於臥所。

時年二十一。廟號英宗。國語稱曰格堅皇帝。**綱**諸王按梯不花等奉

璽綬迎晉王也孫

木兒

裕宗之孫晉王甘麻剌長子襲封晉王仍鎮北邊

于北邊九月晉王即位于龍居河赦綱以也先鐵木

兒為右丞相倒刺沙為平章政事鐵失知樞密院事

綱冬十月鐵失也先鐵木兒等伏誅以烏伯都刺

為平章政事十一月帝至大都綱追尊考晉王為

皇帝母弘吉刺氏為皇后

廟號顯宗

泰定皇帝

名也孫鐵木兒顯宗之長子裕宗之嫡孫初嗣晉王及英宗遇弒以支庶入繼帝統

在位四年壽三十六歲而崩帝在位災異迭見然守成法以行天下無事稱治平焉

綱甲子泰定皇帝泰定元年春正月以乃蠻台為平

章政事。

名圖帖睦爾于瓊州。

見上

綱二月。開經筵。

江。浙。行。省。左。丞。趙。簡。請。開。經。筵。及。擇。師。傳。令。太。子。

及。諸。王。大。臣。子。孫。受。學。章。上。遂。命。平。章。政。事。張。瑄。翰。

林。學。士。承。旨。忽。都。魯。都。兒。迷。失。學。士。吳。澄。集。賢。直。學。

士。鄧。文。原。王。結。等。以。帝。範。

見四五

資。治。通。鑑。

見七十二

大。學。衍。義。

見八六

貞。觀。政。要。

見六二

等。書。進。講。

綱立。

皇。后。八。不。罕。氏。立。子。阿。速。吉。八。為。皇。太。子。

四。

月。帝。如。上。都。大。風。地。震。

秋。八。月。帝。還。大。都。封。

圖。帖。睦。爾。為。懷。王。徙。雲。南。王。王。禪。為。梁。王。

綱乙丑二年春正月命懷王圖帖睦爾出居建康

南江寧府**綱**三月帝如上都**綱**夏四月革大臣兼領軍務

目參知政事左塔不花言大臣兼領軍務前古所無

鐵失以御史大夫也先帖木兒以知樞密院事皆領

衛兵如虎而翼見二十七卷十六故成逆謀乞軍衛之職勿以

大臣領之庶勲舊之家得以保全從之仍賜幣帛以

旌其直**綱**秋九月帝還大都冬十二月以塔失鐵

木兒爲右丞相

綱丙寅三年春二月以察乃爲平章政事帝如上

都綱秋七月帝還大都。

綱丁卯四年春正月帝如上都。夏四月旱蝗民饑。

綱秋八月山崩地震。閏九月帝還大都。

綱戊辰致和元年。文宗皇帝圖帖睦爾天曆元年。春二月帝如上都。

命簽樞密院事燕帖木兒等居守。綱徙懷王圖帖睦

爾于江陵。今湖廣荊州府江陵縣。綱秋七月帝崩于上都。文宗不為

立廟謚世止。稱為泰定帝。

王禕曰武宗以兄弟相及約繼世子孫迭居大位而仁宗感於儉言不守宿諾傳位英宗乃使武宗二子明宗文宗出居於外及英宗遇弒而明宗在北文宗在南晉邸乘閒入繼大統或謂

晉邸非所宜立雖然晉王於世祖孫也於次爲長雖守燕嘗有盟書今而國統之弗繼則求所當立夫舍晉王之系將誰屬邪然則謂晉邸非所宜立者亦過也舊傳英宗之弒晉邸與聞乎故其歿不與請諡升祔之典明其爲賊也然考之實錄皆不得其實傳聞之謬烏可信哉

綱八月簽樞密院事燕帖木兒謀逆執中書省御史

臺臣烏伯都刺等下之獄遂遣使迎懷王圖帖睦爾

于江陵**綱**皇太子阿速吉八卽位於上都遣梁王王

禪右丞相塔失帖木兒將兵分道討燕帖木兒時年九歲

改元廣書皇太子書討燕帖**綱**懷王圖帖睦爾入京

天順義本兒正名定罪也**綱**師目以明里董阿闊闊台速速並爲平章政事曹立

文宗欲廢
位俟明宗

爲右丞伯顏爲御史大夫趙世延爲御史中丞高昌
王鐵木兒補化知樞密院事綱九月圖帖睦爾殺平
章政事烏伯都剌流左丞朶朶等于遠州綱圖帖睦
爾襲帝位目圖帖睦爾既至燕帖木兒以爲擾攘之
際不正大位不足以係天下之志圖帖睦爾以其兄
周王和世琜在漠北欲虛位俟之燕帖木兒曰人心
向背之機閒不容髮一或失之噬臍無及見四七圖
帖睦爾曰必不得已當明吾志播告中外遂卽帝位
改元天曆詔天下曰謹俟大兄之至以遂固讓之心

大赦。封燕帖木兒爲太平王右丞相。知樞密院加伯
顏大尉。**綱**冬十月。圖帖睦爾兵陷上都。梁王王禪遁。
走遼王脫脫死之。帝不知所終。**綱**十一月。圖帖睦爾遷秦
定皇后弘吉刺氏于東安州。遣使迎周王和世琜
于漠北。

明宗皇帝

名和世琜。武宗長子。在位八月。爲文宗所弑。

綱己巳

天曆二年。

春正月。周王和世琜稱帝于和寧之北。

綱二月

圖帖睦爾立其妃弘吉刺氏爲皇后。**綱**追尊

周王母亦乞烈氏。母唐兀氏並爲皇后。

亦乞烈氏。周王母。唐兀氏。

圖帖睦爾追尊周王母者三月圖帖睦爾遣燕帖爾母也

木兒奉皇帝寶赴漠北夏四月周王以燕帖木兒為

太師周王遣使立圖帖睦爾為太子以徹里帖

木兒為平章政事綱秋七月太白經天見四二發鳴

天人相與之際甚可畏也是時圖帖睦爾已畜無兄

之心其謀未露而其微已見天象昭昭特以著其骨

肉相殘之慘耳是故唐太宗之殺建成元吉而太白

見秦分圖帖睦爾之殺周王而太白經天變不虛生

信綱八月丙戌周王次旺忽察都地名圖帖睦爾入見

庚寅王暴卒廟號明宗

胡粹中曰聞之故老言燕帖木兒奉上天璽綬明宗從官有不為之禮者燕帖木兒且怒且懼既

立弟為太子
六日經天

而帝暴崩燕帖木兒聞哭聲即奔入帳中取寶璽扶文宗上馬南馳本史乃言皇太子人哭盡哀燕帖木兒以皇后命奉皇帝寶璽授太子其說不合豈當時忌諱有不取明言之者歟

綱圖帖睦爾以伯顏為左丞相欽察台阿兒思蘭海

牙趙世延並為平章政事綱圖帖睦爾復襲位于上

都大赦

明發書復襲位重貶之也圖帖睦爾篡位之心素心也其迎兄漠北者姑欲塞人之議耳

故行懼一見已乃暴卒既沒其兄復襲其位則其悖逆之心遂矣此固圖帖睦爾始終之論也綱冬

十二月以西僧贊真吃刺思為帝師旦帝師至上命

朝臣一品以下咸郊迎大臣俯伏進觴帝師不為去聲

動惟國子祭酒字木魯翀

冲

舉觴立進曰帝師釋迦

字木魯翀
識

加。身毒國賢人瞿曇號目之徒。天下僧人師也。予

釋迦。身毒

見十四卷三

孔子之徒。天下儒人師也。請各不為禮。帝師笑而起。舉觴卒飲。衆為之栗然。

尺木堂綱鑑易知錄卷九二

周之炯靜專

綱目續編定本

山陰吳乘權楚材同輯

周之燦星若

元紀

文宗皇帝

名圖帖睦爾武宗次子明宗之弟初讓位於兄壽弒之在位五年壽二十九歲而崩

綱庚午文宗皇帝至順元年春二月立明宗子懿璘

質班爲鄜

浮

王**綱**以阿卜海牙爲平章政事以伯

顏知樞密院事罷置左丞相夏五月帝如上都

加先聖父母諸賢之爵

詔董仲舒從祀孔子廟

以亦列赤為平章政事

秋閏七月趙世延罷

綱詔

加孔子父母及顏回曾參孔伋孟軻程顥程頤封爵

目孔子父叔梁紇痕入聲為啓聖王母顏氏啓聖王夫

人顏子充國復聖公曾子邛成國宗聖公子思沂國

述聖公孟子鄒國亞聖公程顥豫國公頤洛國公

綱

八月帝還大都

綱冬十二月詔以漢董仲舒從祀孔

子廟位列七十是年七月既加先聖父母諸賢之

義爵至是又

詔仲舒從祀孔子廟

其兩舉皆得其當哉使無奉

佛之非則文宗庶乎其得矣

綱辛未二年二月以伯撒里為平章政事夏五月

吳澄三經集序

帝如上都。綱六月。翰林學士吳澄卒。目澄泰定間謝

病歸臨川。今江西撫州府四方從學者恆數百人。著書至將

終不輟。有易春秋禮記纂言及校定皇極經世書。見七

二卷。大戴禮。禮記乃七十子所撰而漢之二等書卒。五。戴刪其重複。大戴德小戴聖。

贈臨川郡公。諡文正。綱秋八月。帝還大都。綱詔皇子

古刺荅綱出居燕帖木兒家。更名燕帖古思綱冬十一月。詔

養燕帖木兒之子塔刺海為子。賜居第。發前書詔皇

帖木兒家。此書詔養燕帖木兒之子為子。則其冠履

倒置而紀綱為之大紊矣。安有已之子出居於外而

人之子反養之於內乎。文宗但知燕帖木兒助已之

功而不知其所以敗壞國家之故。知有奸臣而不知

綱卷之二 元文宗

有公法也。

綱壬申三年夏五月帝如上都。秋八月京師隴西。

地震。**綱**帝崩于上都。廟號文宗國語稱曰札牙篤皇帝。**綱**冬十月鄜

王懿璘質班即位。**目**王明宗第二子。畱居京師。帝崩。

燕帖木兒請皇后立皇子燕帖古思。后不從。命立王。

時年甫七歲。首司庶務。咸啓皇后取進止。**綱**以撒迪

爲平章政事。十一月尊皇后爲皇太后。**綱**鄜王薨。

廟號**綱**太后遣右丞闊里吉思迎妥懽帖睦爾于靜

江。**目**明宗子妥懽帖睦爾居廣西之靜江。今桂林府。鄜王

薨燕帖木兒復請立燕帖古思皇太后曰吾子尚幼
妥懽帖睦爾在廣西今年十三矣且明宗長子於理
當立乃遣闊里吉思往迎之

順帝

名妥懽帖睦爾明宗長子在位三十
十五年為明太祖所滅而元亡矣

綱癸酉四年

順帝元年

春三月燕帖木兒死

綱夏五月

京師地震

綱六月

妥懽帖睦爾即位于上都旦初妥

懽帖睦爾至自靜江百官具鹵簿

天子儀衛日鹵簿

迎於良

鄉今直隸順天府良鄉縣

燕帖木兒既見並

傍也馬徐行具陳

迎立之意妥懽帖睦爾幼且畏之一無所答燕帖木

兒疑其意不可測。故至京久不得立。適太史亦言其立則天下亂。用是議未能決。遷延者數月。至是燕帖木兒死。皇太后乃與大臣定議立之。且約後當傳於燕帖古思。若武宗仁宗故事。綱以伯顏爲太師右丞相。撒敦爲太傅左丞相。目時有阿魯輝帖木兒者。明宗親臣也。言於帝曰。天下事重。宜委宰相決之。庶可責其成功。若躬自聽斷。必負惡名。帝然之。由是深居宮中。每事決於宰相而已。無所專焉。綱秋八月立皇后伯牙吾氏。后燕帖木兒之女。綱奎章閣侍書學士虞集謝

廣集見後
明決

病歸義病歸者表其見幾明決也。綱冬十月封撒敦

榮王。唐其勢子撒敦襲封太平王。綱十一月封伯顏為

秦王。是日秦州屬陝西鞏昌府山崩地烈。義秦州山崩地裂

所以兆其弒后殺王之虐也。天道之驗可畏哉。

汴梁雨血

甲戌順帝元統二年春正月汴梁今河南開封府雨血。

著衣皆赤。綱阿卜海牙罷以脫別台為平章政事。綱三月

天雨毛

天雨毛。綱彰德今河南彰德府路天雨毛如線而綠。民謠云。

天雨線。民起怨。中原地事必變。綱水旱疫。民饑。夏

四月帝如上都。綱秋八月赦。是日京師地震。雞鳴山

崩。[綱]以湖廣河南自三月不雨。至於是月。及諸路旱

蝗。民饑。太白屢晝見經天。大赦天下。是日京師地震。

雞鳴山崩。陷為渚。方百里。人死者衆。[義]廣鳴呼。人君即

變之多者。未有甚於順
帝也。雖欲不亡。得乎。
[綱]帝還大都。

果
敗柳林不

[綱]乙亥。至元元年春二月。帝敗柳林。不果行。
[綱]帝將

敗於柳林。御史臺臣諫曰。陛下春秋鼎盛。方盛宜思文

皇付託之重。致天下於隆平。今赤縣中國曰赤縣神州之民

供給繁勞。農務方興。而馳騁冰雪之地。倘有銜廐之

變。見十三奈宗廟社稷何。遂止。
[綱]夏五月。帝如上都。

綱六月唐其勢反伏誅秋七月伯顏弑皇后伯牙吾氏曰時撒敦已死伯顏獨秉政唐其勢忿曰天下本我家天下伯顏何人而位吾上遂與其叔父句容郡王荅憐荅里潛蓄異心謀立諸王晃悅火帖木兒鄰王撒撒禿發其謀六月晦唐其勢伏兵東郊率勇士突入宮伯顏及完者帖木兒等掩捕獲唐其勢及其弟塔刺海誅之荅里走見火帖木兒所阿魯渾察執送上都戮之見火帖木兒自殺初唐其勢事敗被擒攀折殿檻咸上聲不肯出塔刺海走匿皇后座下后

蔽之以衣。左右曳葉。拖也。出斬之。血濺薦。灑也。后衣。伯

顏奏并執后。后呼帝曰。陛下救我。帝曰。汝兄弟為逆。

豈能相救。乃遷出宮。伯顏尋殺之於開平民舍。綱九

月。帝還大都。冬十一月。以阿吉刺為平章政事。綱

詔罷科舉。目初徹里帖木兒為江浙平章。會科舉驛

請試官。供張見九十一卷。甚盛。心頗不平。及復入中書。首

議罷科舉。及論學校莊田租。可給宿衛士衣糧。動當

國者。以發其機。又欲損太廟四祭為一。於是御史呂

思誠等。列其罪狀劾之。不報。皆辭職去。而思誠出為

詔罷科舉

許有壬諫
罷科舉

廣西僉事。時罷科舉詔已書而未用璽。參政許有壬
力爭。諍之。伯顏怒曰。汝諷臺臣言徹里帖木兒邪。有
壬曰。太師擢徹里帖木兒在中書。御史三十人不畏
太師。而聽有壬。豈有壬權重於太師邪。伯顏意稍解。
有壬乃曰。科舉若罷。天下才人缺。厥望。怨望也。伯顏曰。
舉子多以賊敗。有壬曰。科舉未行時。臺中賊罰無算。
豈盡出於舉子。伯顏曰。舉子中可任用者。惟參政爾。
有壬曰。若張夢臣。馬伯庸輩。皆可任大事。如歐陽玄
之文章。亦豈易及。伯顏曰。科舉雖罷。士之欲求美衣

食者自能向學。有壬曰：爲士者初不事衣食。伯顏曰：科舉取人，實妨選法。有壬曰：今通事知印等天下凡二千三百餘名。今歲自四月至九月，白身補官受宣者亦且七十三人。而科舉一歲僅三十餘人。科舉於選法果相妨乎？不也。伯顏心然其言，而議已定，不可中輟。乃溫言慰解之。朔日宣詔，特令有壬爲班首，以折浙辱之。有壬懼禍，不敢辭。治書侍御史溥化請有壬曰：參政可謂過橋折橋者矣。有壬以爲大恥。移疾稱疾不出。綱十二月，尊皇太后爲太皇太后。

綱丙子二年春二月追尊生母邁來的為皇后夏

四月以帖木兒不花為平章政事帝如上都秋

九月帝還大都

綱丁丑三年春三月立皇后弘吉刺氏夏四月帝

如上都綱五月民訛言采童男女民間訛言朝廷刷取童男女一時嫁

娶殆盡綱彗星見五卷見日凡六十有三日自昴房歷

一十五宿而滅綱秋八月京師地震綱冬十月金

華今浙江金華府處士許謙卒日謙受業金履祥見上卷六之門

履祥曰士之為學若五味之在和去聲醯鹽既加則酸

為學若五味之在和

惟爲學之功無間斷

至教人以

鹹頓變。子來見我三日矣。而猶夫人也。豈吾之學無以感發於子邪。謙聞之惕然。居數年。盡得其所傳之妙。履祥既沒。謙益肆充闡。多所自得。自謂吾非有大過人者。惟爲學之功無間斷爾。平生制行甚嚴。而所以應世者。不膠於古。不流於俗。屏跡入華山。即金華山在金華府城北。四方之士。不遠百里而來受業。其教人至誠諄悉。內外殫盡。獨不教人以科舉之文。曰。此義利之所由分也。不出里閭。垂四十年。中外名臣列其行義章凡數十上。郡以遺逸應詔。有司請主文衡。皆莫能

自是注

致世稱為白雲先生卒諡文懿先是何基王柏

金履祥攷其學猶未大顯至謙而其道益著同時休

寧今江南徽州府休寧縣陳櫟婺源源今徽州府婺源縣胡一桂皆

以講明道學見重於時云

戊寅四年夏四月帝如上都目次八里塘雨去聲

大如拳其狀有小兒環玦獅豹等物之形綱秋八月

京師地震帝還大都

己卯五年夏四月帝如上都秋八月帝還大都

冬十一月詔以伯顏為大丞相綱伯顏矯詔殺鄭

談王徽徽篤_目伯顏構陷郊王奏賜死帝未允輒傳旨殺之。又奏貶宣讓王帖木兒不花。威順王寬徹普化。不俟命卽遣之。帝爲之不平。

_綱庚辰六年春二月伯顏有罪黜爲河南行省左丞相尋竄南恩州道死_目伯顏既誅唐其勢獨秉國鈞

遂專權自恣漸有異謀帝患之伯顏欲以所養弟之

子脫脫宿衛偵

見五一卷七

帝起居懼涉物議乃以知樞

密院汪家奴翰林學士承旨沙剌班同侍禁近實屬
視意脫脫故脫脫政令自脩衛士拱聽約束伯顏自

大義滅親

領諸衛精兵以燕者不花為屏蔽導從之盛填溢街衢而帝儀衛反落落如晨星勢焰薰灼天下之人知有伯顏而已脫脫深憂之私請於父馬札兒台曰伯父驕縱已甚萬一天子震怒則吾族赤矣曷若於未敗圖之其父亦以為然脫脫復質於師吳直方直方曰傳有之大義滅親左傳隱公四年石碏純臣也惡州吁而厚與焉大義滅親其是之謂大夫但知忠於國爾餘復何顧焉一日見帝乘乘空開處自陳忘家徇國之意帝猶未之信時帝前後左右皆伯顏之黨獨世傑班阿魯為帝腹心乃遣

二人與脫脫遊日以忠義之言相與往復辨論益悉其心靡他。遂聞於帝。帝始信之無疑。及伯顏擅貶宣

讓威順二王。帝不勝升其忿。決意逐之。一日泣語去聲

脫脫。脫脫亦泣下。遂與世傑班等謀。欲候伯顏入朝

擒之。戒衛士嚴宮門出入。螭坳凹。坳堂上。皆爲置

兵。伯顏見之大驚。召脫脫責之。對曰。天子所居防禦

不得不爾。然遂疑脫脫亦增兵自衛。至是伯顏以所

領兵衛請帝出。脫脫勸帝稱疾不往。伯顏固請。乃

命太子燕帖古思出次柳林。脫脫遂與阿魯等合謀。

悉拘京城門鎖命所親信列布城門下是夜奉帝居

玉德殿遣怯薛

見八五月

可察兒率三十騎抵營中

取太子入城又名楊瑀范匯

灰上聲

入草詔數土聲伯顏

罪狀出為河南行省左丞相伯顏奏乞陛辭不許既

而帝以伯顏罪重罰輕復降詔安置南恩州

今廣東肇慶府

陽春縣

屬肇慶府

行次江西隆興驛

在南昌府病死

綱以馬札兒台為太師右丞相塔失海牙為太傅知樞密院事

探馬赤為太保御史大夫汪家奴為平章政事脫脫

知樞密院

綱彗星見

凡三十日

綱夏五月帝如上都綱

廢主遷后
陷

綱鑑易知錄 卷九十二

六月詔廢文宗廟主遷太皇太后弘吉刺氏于東安
州尋崩放燕帖古思于高麗殺諸途

詔曰昔武宗

升遐

見七十卷三十

太后惑於憊

纖慝

姦邪也

俾皇考出封雲

南英宗遇害我皇考以武宗之嫡逃居沙漠宗王大

臣同心翊戴於時以地近先迎文宗暫總機務繼知

天理人倫所在假讓位之名以寶璽來上皇考推誠

不疑卽立爲皇太子而乃富躬迓之際與其臣月魯

不花也里牙明里董阿等謀爲不軌使我皇考飲恨

上賓

謂崩也

歸而再御宸極又私圖傳子嫁禍於人不

沙皇后

至順元年四月皇后弘吉刺氏殺明宗皇后八不沙

謂朕非明宗之子

出居遐陬上天不佑隨降殞罰叔嬪不荅失里帖其

勢焰舍長嫡而立次幼奄復不年諸王大臣以賢以

長扶我踐祚賴天之靈權奸屏兩黜永惟鞠育罔極

之恩忍忘不共戴天之義其命太常撤去圖帖睦爾

在廟之主不荅失里削太皇太后之號徙東安州安

置燕帖古思放諸高麗當時賊臣月魯不花等已死

其以明里董阿明正典刑時監察御史崔敬言文宗

既撤廟主嬪母亦削鴻名盡孝正名斯亦足矣惟念

崔敬言
放太后皇

詔復行科舉

皇弟燕帖古思年幼播遷天理人情有所不忍方先
皇上賓皇弟尚在襁褓未有知識義當矜閔伏望陛
下迎歸太后母子以盡骨肉之義書奏不報未幾太
后崩於東安州燕帖古思遇害於中道綱秋八月帝
還大都冬十月馬札兒台罷以脫脫爲右丞相鐵
木兒不花爲左丞相綱十二月詔復行科舉目時科
舉既輟翰林學士承旨巖巖撓從容言曰古昔取人
材以濟世用必由科舉何可廢也帝采其論詔復行
之。

詔脩遼金
宋三史

綱辛巳。至正元年。夏四月。帝如上都。以鐵木兒塔

識爲平章政事。秋八月。帝還大都。

綱壬午。二年。夏四月。帝如上都。秋九月。帝還大都。

綱冬十二月。京師地震。

綱癸未。三年。春三月。詔脩遼金宋三史。初世祖立

國史院。首命王鶚脩遼金二史。宋亡。又命史臣通脩

三史。延祐仁宗年號天曆文宗年號之間。屢詔脩之。以義例未

定。竟不能成。至是。命脫脫爲都總裁。鐵木兒塔識張

起巖。歐陽玄。呂思誠。揭傒斯。爲總裁官。脩之。或欲

如晉書例。以宋爲世紀。而遼金爲載紀。或又謂遼立國先於宋五十年。宋南渡後。嘗稱臣於金。以爲不可。

待制王理者。祖脩端之說。著三史正統論。欲以遼金

爲北史。太祖至靖康

欽宗年號

爲宋史。建炎

高宗年號

以後爲

南宋史。一時士論非不知宋爲正統。然終以元承金

金承遼之故。疑之。各持論不決。詔遼金宋各爲史。凡

再閱歲書成。上之。發凡舉例。論贊表奏。多屬祝筆

焉。夏四月。帝如上都。秋八月。帝還大都。冬十

月。親祀太廟。帝行禮至寧宗室。問曰。朕寧宗兄也。

處士

理當拜否。太常博士劉聞對曰。寧宗雖弟。其為帝時。

陛下為臣。春秋時魯僖公。閔公兄也。閔公先為君。宗

廟之祭。未聞僖公不拜。陛下當拜。乃拜之。綱十二月

以別兒怯不花為左丞相。鐵木兒不花罷。綱徵清江

今江西臨江府清江縣。處士杜本。不至。目本在武宗時。嘗被召

至京師。即歸隱武夷山。在福建建寧府崇安縣。中文宗聞其名。

徵之。不起。至是脫脫薦之。名為翰林待制。兼國史院

編脩官。使者趣促。至杭州。今浙江杭州府。稱疾固辭。既又徵

處士完者。圖執禮哈郎。董立。李孝光。張樞。樞辭不至。

綱目卷之九十二
詔以完者圖執禮哈郎爲翰林待制立脩譔孝光著
作郎或疑其太優右丞相鐵木兒塔識曰隱士無求
於朝廷朝廷有求於隱士區區名爵何足吝惜識者
誦之

綱甲申四年春二月以賀惟一爲平章政事既而以爲御史

大夫故事臺省正官非國姓不可惟一固辭詔賜姓名曰太平綱三月以納麟爲平

章政事夏四月帝如上都五月脫脫罷以阿魯

圖爲右丞相綱秋七月溫州今浙江溫州府地震海溢綱八

月帝還大都

嚮進比
干圖

宋徽宗獨
不能為君

綱乙酉五年夏四月帝如上都。綱五月翰林學士承旨嚮進卒。且初嚮進知經筵日勸帝就學帝欲寵以師禮固辭不可帝嘗欲觀畫嚮進取比干圖以進一日帝覽宋徽宗畫稱善嚮進曰徽宗多能惟一事不能帝問一事謂何對曰獨不能為君爾身辱國破皆由不能為君所致凡為人主貴能為君他非所尚也其隨事規諫皆類此嘗謂人曰天下事宰相當言宰相不得言則臺諫言之臺諫不敢言則經筵言之備位經筵得言人所不敢言於天子之前志願足矣

故於時政得失有當匡救者未嘗緘默至是卒

綱秋

七月以鞏上班為平章政事八月帝還大都

綱九

月遣使巡行上天下

聲

天下

目時諸道奉使者皆與臺諫交

相揜蔽惟巡京畿道西臺中丞定定集賢侍講學士

蘇天爵糾舉無所避凡興革者七百八十三事糾劾

蘇天爵比
以起

凡百四十三人都人稱天爵為包拯

見六九卷六

天爵亦

竟以忤時相罷去

綱丙戌六年夏四月帝如上都五月盜竊太廟神

主秋八月帝還大都冬十二月阿魯圖罷

沿江兵起

賜衍聖公銀印

綱丁亥七年春正月朔日食。是日大寒而風。朝官

仆者六人。綱二月山東地震。垣壞。怪城郭有聲如雷。

三月東平今山東兗州府東平州又震。河水動搖。綱夏四月帝

如上都。綱六月復以太平為平章政事。秋九月帝

還大都。鐵木兒塔識卒。以朶兒只為左丞相。冬

十月沿江兵起。綱十一月詔選臺閣名臣出為守令。

綱戊子八年春三月帝臨國子學。賜衍聖公銀印。

陞秩從二品。定弟子員出身及省。親奔喪等制。綱

帝如上都。夏五月霖雨。山崩。江溢。秋八月帝還

大都**綱**奎章閣侍書學士致仕虞集卒**目**諡文靖集

性孝友學博洽而究極本源研精探微心解神契其

經綸之妙一寓諸文頗有宋慶曆宋仁宗年號乾淳乾道淳熙

方國珍兵起

俱南宋孝宗年號風烈**綱**冬十一月台州今浙江台州府方國珍兵

起**綱**以太不花忽都不花並為平章政事

綱己丑九年夏四月以欽察台為平章政事帝如

上都**綱**棗陽童子暴長**目**棗陽今湖廣襄陽府棗陽縣民張氏

婦生男甫及周歲暴長四尺許容貌異常髮腹大腹

也左傳宣公二年饑其腹擁男腫見人嬉笑如世俗所畫布袋和

棗陽童子暴長

尚云。綱。秋。七月。朶兒只太平俱罷。以脫脫為右丞相。

綱。八月。以伯顏為平章政事。

綱。庚寅。十年。春。正月。以搠思監為平章政事。夏。四

斗。有星入北

月。帝如上都。綱。六月。有星入于北斗。國大如月。震聲

如雷。綱。秋。八月。帝還大都。冬。十月。方國珍攻溫州。

綱。辛卯。十一年。天完主徐壽輝治平元年。夏。四月。詔脩河防。左遷

工部尚書成遵為河間鹽運使。以賈魯為總治河防

使。綱。初。黃河決。脫脫集羣臣廷議。言人人殊。惟漕運

使賈魯以為必塞北河。疏南河。使復故道。役不大興。

害不能已於是遣工部尚書成遵與大司農禿魯行

上聲也視河議其疏塞之方以聞遵等自濟今山東兗州府

濟寧州濮今山東東昌府濮州汴梁見上大名今直隸大名府行數千里

掘井測岸

掘井以量平聲地之高下測岸以究水之淺深博采輿

論以謂河之故道斷不可復且曰山東連歉民不聊

生若聚二十萬衆於此地恐他日之憂又有重於河

患者時脫脫先入魯言及聞遵等議怒曰汝謂民將

反邪自辰至酉論辨終莫能入明日執政謂遵曰脩

河之役丞相意已定且有人在其責公勿多言幸為

兩河之議遵曰。腕可斷。短議不可易。遂出遵河開直今

隸河開府鹽運使。詔開黃河故道。命魯以工部尚書充河

防使。發河南北兵民十七萬。自黃陵岡南達白茅。放

於黃岡。哈只等口。又自黃陵西至陽青村。凡二百八

十里有奇。雞興功凡五閱月。諸埽埽隄低。隄。岸。日。埽。成。河

復故道。超授魯集賢大學士。賜脫脫世襲荅剌罕之

號。其餘遷賚有差。先是河南北童謠云。石人一隻眼。

挑動黃河天下反。及魯治河。果於黃陵岡得石人一

眼。而汝潁之兵起。綱帝如上都。綱五月。潁州劉福通。

河南北童謠

劉福通李
二徐壽輝
等兵起

蕭縣李二。羅田徐壽輝等兵起。先是四方盜賊蜂

起。有司不能制。及發丁夫開河。民心益愁怨。思亂有

韓山童者。欒城今直隸真定府欒城縣人。自其祖父以白蓮會

燒香惑眾。謫徙永平。今直隸永平府至是山童倡言天下大

亂。彌勒佛下生。河南及江淮愚民翕然信之。潁州屬江

南鳳陽府劉福通與杜遵道羅文素盛文郁王顯忠韓咬

兒復詭言山童實宋徽宗八世孫。當為中國主。遂同

起兵。以紅巾為號。縣官捕之急。山童就擒。其妻楊氏

及其子韓林兒逃之武安。今湖廣長沙府惟福通黨盛不可

制朝廷乃命同知樞密院禿赤以兵擊之。福通既破

潁州。遂據朱臯。即平臯。今河南南陽府裕州有平臯城。攻羅山上蔡真。

陽確山。四縣俱屬河諸縣尋犯舞陽葉。攝。二縣俱屬南陽府。

縣陷汝寧府及光。今汝寧府光州。息。今汝寧府息縣。二州衆至十萬。

蕭縣。屬江南徐州。李二號芝麻李亦以燒香聚衆與其黨

趙均用彭早住攻陷徐州據之羅田。今湖廣黃州府羅田縣。徐

壽輝與倪文俊鄒普勝等聚衆舉兵亦以紅巾爲號

攻陷蘄水縣。屬黃州府。及黃州路。綱秋八月帝還大都。綱

冬十月饒信等雨。去聲。泰。信州。今江西廣信府。及邵武。今福建邵

饒信等路雨泰

徐壽輝稱帝

武雨黍粟屬苗似蘆高丈餘穗黑色實圓饒州今江西

府建寧今福建雨黑子大如黍菽也衢州今浙江雨

黍民多取而食之綱徐壽輝稱帝于蕲水據蕲水為都國號天

完自稱皇帝改元治平綱十一月有星孛于西方

綱壬辰十二年春正月徐壽輝兵破漢陽今湖廣諸

郡威順王寬徹普化等棄城走二月破江州今江西

李黼著

總管李黼死之綱以月魯不花為平章政事綱定遠

郭子興兵起破濠州

今江南鳳陽郭子興等兵起破濠州即鳳陽府子興見

汝頰兵起列郡騷動遂與其黨孫德崖等舉兵自稱

元帥攻拔濠州據之。徹里不花率兵欲復濠城。憚不

敢進。惟日掠良民為盜。以徼邀賞。由是民益恟恟。不

安。其豪傑咸投入城以自保。綱三月。徐壽輝破袁江今

西袁瑞。今江西瑞州府。饒信俱見徽。今江南徽州府。等州。綱詔省臺

官。兼用南人。目自世祖以後。臺省之職。南人斥不用。

至是始復舊制。詔南人有才學者。並許川之。綱台州

泰不華死

見十五。路達魯花赤見八十五卷三四。泰不華與方國珍戰于澄

江。死之。目先是國珍入海。燒掠沿海州郡。朝廷遣大

司農達識帖木迺招降之。至是朝廷方征徐州。命江

不仕
不仕

浙募舟師北守大江國珍懷疑復劫其黨入海泰不
華遣義士王大用往諭國珍拘畱不遣其戚黨陳仲
達往來議降泰不華具舟張受降旗乘潮下澄江觸
沙不行垂與國珍遇呼仲達申前議仲達目動氣索
泰不華覺其心異手斬之即前薄博也賊船奮擊之
賊羣至欲抱持入其船泰不華瞋稱人怒而張目叱
之奪刀殺賊賊攢槊刺之中頸死猶植立不仆投其
屍海中事聞追贈江浙平章封魏國公諡忠介

綱鑑

西今陝西鞏昌府隴西縣

地震凡百餘日城郭頽圯瘡也陵

谷變遷定西

今鞏昌府安定縣

會州

鞏昌府會寧縣

尤甚會州公

宇牆崩獲弩五百餘長者丈餘短者九尺人莫能挽

因改定西為安定州會州為會寧州綱夏四月帝如

上都綱五月徙瀛國公見九十四卷二子趙完普等于沙州

御史徹徹帖木兒等言諸處羣盜輒引亡宋故號

以為口實宜徙和尚完普及親屬於沙州今陝西行都司沙州

衛安置禁人交通從之綱秋七月徐壽輝兵襲杭州

江浙參知政事樊執敬戰死董搏霄率兵復之遂復

徽州八月方國珍攻台州浙東元帥也忒迷失擊

走之。綱右丞相脫脫將諸軍擊李二於徐州。大破之。

屠其城。芝麻李遁去。趙均用彭早住走濠州。綱帝還大都。綱冬十月霍

山。卽南嶽衡山一名天柱山。崩。前三日山如雷鳴。在湖廣衡州府衡山縣。

禽獸驚散。殞石數里。綱十一月江西行省平章政事

星吉擊趙普勝戰于湖口。兵敗死之。綱趙均用入濠

州據之。彭早住趙均用奔濠州。遂據濠城。稱王。初二

下之事皆稟命遂爲所制。既而早住死。均用益自專。

綱癸巳十三年春正月以哈麻爲右丞。夏四月帝

如上都。綱五月泰州張士誠兵起于高郵。由自稱誠

星吉死節

王知府李齊死之。臣士誠白駒場亭尸。

士信舉兵陷泰州。屬江南揚州府遂據高郵。今揚州府高郵州

王國號大周。建元天祐。已而有詔赦之。使至不得。

賊紿臺上聲言請李知府來。乃受命。淮南治揚州府行省

強齊往。至則下齊於獄。齊雖辯說百端。而士誠本無

降意。士誠呼齊使跪。齊叱曰。吾膝如鐵。豈為賊屈。士

誠怒。使曳葉倒槌碎其膝。而寡之時。論大科三魁。

若李黼。見上泰不華。見上及齊皆不負所學云。綱六

月。立子愛猷。識理達臘為皇太子。赦。秋九月。帝還。

吾膝如鐵

大科三魁
不負所學

哈麻進西番僧
海探見法

大都。冬十二月。江浙平章政事十顏帖木兒等會

兵擊徐壽輝于蘄水。

見上

破之。

綱

哈麻進西番僧于

帝。僧敎帝行房中運氣之術。號演揲

疊

兒法。又進

僧伽

非

璘真善祕密法。帝皆習之。詔以西番僧為司

徒。伽璘真為大元國師。各取良家女三四人奉之。謂

之供養。嘗謂帝曰。陛下尊居萬乘。富有四海。不過保

有見

現

世而已。人生能幾何。當受此祕密大喜樂禪

定。於是帝日從事於其法。廣取女子。惟淫戲是樂。帝

諸弟八郎者。與哈麻妹婿秃魯帖木兒及老的沙等

皆即元該

冰五里

十八號倚納皆有寵在帝前相與褻狎甚至男女裸處號所處室白皆即元該猶華言事事無碍也君臣宣淫而羣僧出入禁中無所禁止醜穢外聞皇太子既長深疾二僧等所為欲去之未能也綱郭子興引兵入滁州綱時子興患趙均用之專乃領所部萬人入據滁滁州屬江南城稱王

綱甲午十四年春正月汴河在河南開封府城西冰冰五里皆成五色花草如繪畫三日乃解綱夏四月帝如上都秋八月帝還大都綱九月命右丞相脫脫督諸

軍擊張士誠。綱冬十二月以定住為左丞相。瑱南班。

哈麻並為平章政事。綱詔削脫脫官爵。安置淮安。哈

師脫脫。喉御史劾其出。以太不花等代總其軍。綱帝

製龍舟於內苑

製龍舟於內苑。且帝自製船式。長一百二十尺。廣二

十丈。用水手二十四人。皆衣金紫。自後宮至前宮。山

下海子內往來遊戲。行時龍首眼口爪尾皆動。又自

製宮漏。高六七尺。廣半之。造木為匱。藏壺其中。通水

上下。匱上設三聖殿。置腰立玉女。捧時刻。籌時至。輒

浮水而止。左右二金甲神。一縣懸鍾。一縣鉦。征也。夜

宮漏

上失廢

韓林兒稱
宋帝

則神人自能按更耕而擊無分毫差。鳴鐘鉦時。獅鳳

在側者。皆自翔舞。履之東西。有日月宮。飛仙六人立

宮前。遇子午時。自能耦進度。仙橋達三聖殿。復退立

如前。其精巧絕出人。意皆前所未有。帝既怠於政治

惟事遊宴。以宮女十六人按舞。名十六天魔。又十一

人奏龍笛。頭管小鼓。箏。瑟。琵琶。笙。胡琴。響板。拍板。每

宮中讚佛。則按舞奏樂。宦官非受祕密戒者不得與

綱乙未十五年宋主韓林兒春二月劉福通以韓林

兒稱宋帝又號小明王建都亳綱三月竄脫于雲

州國號宋改元龍鳳

劉州雨血

南臺臣猶論其**綱**薊計州屬直隸雨去聲**綱**帝如上

都**綱**夏四月以定住為右丞相哈麻為左丞相桑哥

失里為平章政事雪雪為御史大夫雪雪哈麻弟於

明太祖起

歸其兄**綱**六月明太祖皇帝起兵自和陽渡江取太

平路**綱**時四方割據稱雄者衆戰爭無虛日兵亂歲

饑民不聊生壬辰春明太祖皇帝姓朱名元避兵濠

州見城有安天下救生民之志乃收納英賢置之

左右遂起兵攻滁州見下之明年文下和陽恩威日

著豪傑歸心至是謀渡江取金陵今江南患無舟楫

而巢湖

見八十一卷

艘來降

太祖顧謂諸將

曰

附吾事

濟矣

遂率徐達

馮國用

邵榮

遇春

鄧愈

耿君用

毛廣

廖料

求安

引舟東下

渚磯

見二九卷三一

遂進攻太平

見同上

拔之者儒陶安

率父老出迎

安因獻言

曰方今

四海鼎沸

豪傑並爭

攻城屠邑

互相長雄

然其志皆在

子女玉帛

取快一時

非有撥亂

救民安天下

之心明公率

衆渡江神武

不殺人心悅

服以此順天

應人而行

弔伐天下不

足

不殺人心悅

服以此順天

應人而行

弔伐天下不

足

平也。綱冬十一月。荅失八都魯擊宋劉福通軍。破之。

十二月。遂圍亳。今江南鳳陽府亳州。福通以其主韓林兒走安

豐。漢縣故城在鳳陽府壽州。綱元哈麻矯詔殺右丞相脫脫。

綱丙申十六年春正月。元哈麻雪雪有罪伏誅。綱天

完主徐壽輝據漢陽。今湖廣漢陽府。綱二月。張士誠入平江。

今江南蘇州府。據之。遂陷湖州。松江諸路。綱三月。明太祖帥師克金

明應天府

陵。改集慶路為應天府。綱諸軍水陸並進。至江寧鎮。

攻陳兆先營。破之。進圍集慶。南臺御史大夫福壽督

兵出戰。力不能支。死於兵。太祖入城。名官吏耆老諭

曰吾率衆至此。爲民除亂耳。爾宜各安職業。毋恐於

是民大悅。更相慶慰。遂改集慶路爲應天府。分遣諸

將取鎮江。

今江南鎮江府。

廣德。

今江南廣德州。

皆下之。綱方國珍降。

于元。

命爲海道漕運萬戶。國璋衢州路總管。

綱是月有兩日相照。

綱

綱

夏六月。彰德。

見上。

李實如黃瓜。

先是童謠云。李生

黃瓜。民皆無家。

綱秋八月。彗星。

見上。

見。

綱彗出。張宿

色青白。指西南。長尺餘。至十二月朔始滅。綱冬十月。

星隕大名。

今直隸大名府。

化爲石。

綱從東南流。芒尾如曳。異

簞。遂帝。

竹

墮地有聲。火焰蓬勃。久之乃息。化爲石。青

星隕化石

夏六月

綱日相照

黑色形如狗頭其斷處若新割者

綱丁酉十七年春正月朔日食**綱**三月明太祖兵克

常州

今江南常州府

進薄

薄逼也

城下張

士誠遣其弟士德以數萬衆來援達伏兵擒之由是

士誠氣沮乃奉書請和願輸糧犒軍太祖復書數其

開費召兵之罪且許其歸我使臣將校即當班師士

誠得書不報達請益兵圍之遂下其城**綱**夏五月元

以搆思監爲右丞相太平爲左丞相**綱**明太祖取寧

國等路**綱**徐達常遇春率兵取寧國

今江南寧國府

攻之

不下。太祖乃親往督師。既至，守將楊仲英開門請降。

百戶張文貴殺其妻妾，自刎而死。尋遣諸將取江陰。

今常州府江陰縣。徽州今江南徽州府。池州今江南池州府。皆下之。**綱**六月

有龍鬬于樂清江。**綱**秋七月，元大都晝霧。自旦至午，昏與不辨。

人物如是者，旬有五日。**綱**八月，張士誠降于元。元以為太尉。

太祖取揚州。**綱**九月，天完將陳友諒襲殺倪文俊。

反諒沔陽今湖廣安陸府沔陽州。漁人子嘗為縣吏，不樂。

輝文俊兵起，慨然往從之。遂為文俊簿書掾。硯

領兵為元帥。及文俊專恣，心不能平。至是，文

二六
禪不果奔黃州

今湖廣黃州府

友諒因乘豐襲殺

目稱平章綱

冬十一月汾

焚州

今山西汾州府

二月天完將明玉珍據成都

目王珍

聞徐壽輝兵起乃集鄉兵屯於青

於壽輝及倪文俊陷川蜀

今四川成都

文俊死玉珍遂自據成都蜀中

學士承旨歐陽玄卒

天完將陳友諒破安慶元澤

先是關固守安慶

今江南安慶府

友諒引軍薄

傳曰逼也

城下。闕遣兵扼之。俄而饒寇攻西

門。友諒兵乘東門。既登城。闕簡死士奮擊敗之。至是

池州趙普勝軍東門。友諒軍西門。饒兵軍南門。四面

蟻集。闕徒步提戈爲士卒先。分遣部將督三門之兵

自以孤軍血戰。斬首無算。而闕亦被十餘創。

鐔鎗本字

日

中城陷。火起。闕知不可爲。乃引刀自剄。墮清水塘中。

全圖一門死節

死。妻蔣氏及妾耶卜。耶律氏。子德臣。女安安。甥福童。

亦皆赴井死。同時死者守臣韓建。一家被害。居民誓

不從賊。焚死者以千計。

余關較勝
下壹

重將黃元

宋氏濂曰關獨守孤城逾六年小大二百餘戰
戰必勝其所用者不過民間兵數千初非有熊
虎之師直激之以忠義故甘心效死而不可奪
也雖不幸城陷以死而其忠精之氣固自若也
然關死於君而能使妻死於夫子死於父忠孝
貞節萃於一門較之晉下壹又似過之矣嗚呼
關其人固下壹見三
豪也哉
關二卷三

三月宋毛貴破濟南路元河南行省右丞董搏霄

與戰死之
濟南今山東濟南府城陷貴入據之時搏霄方

駐於南皮今直隸河間府南皮縣之魏家莊詔遣使拜為河南

右丞甫拜命值貴兵猝至而營壘猶未完諸將曰賊

至當如何搏霄曰當以死報國因拔劍督戰賊突前

紅血推見
白氣冲天

擄得擄得霄刺殺之無血。惟見白氣冲天。是日其弟昂

霄亦死。**綱**大同路

治山西大同府

夜聞空中有聲。**目**初黑氣

蔽西方有聲如雷頃之東北方有雲如火交射石中

至甲如有
其戈之聲

天遍地俱見

現

火光空中如有兵戈之聲。**綱**夏四月

天完將陳友諒破隆興。

今江西南昌府

綱五月宋劉福通破

汴梁。

見上

奉其主韓林兒居之。**綱**山東地裂。**綱**六月

宋將關先生兵破遼州。

屬山西

遂大掠塞外諸郡。**綱**冬

十一月元左丞相搠思監有罪免。以紐的該為左丞

相。**綱**十二月明太祖取婺

務州

目胡大海兵攻婺州。

明取婺州
開郡學

明太祖
諸將

今浙江金華府久不克太祖乃自將精兵十萬往征拔之改
婺州路爲寧越府命知府王宗顯開郡學延儒士葉
儀宋濂爲五經師戴良爲學正吳沈徐原等爲訓導
時喪亂之餘學校久廢至是始聞絃誦之聲無不忻
悅太祖旣撫定寧越欲遂取浙東未下諸郡集諸將
諭之曰克城雖以武而安民必以仁吾師比入建康
卽金陵見上二四秋毫無犯故一舉而遂定今新克婺城民
始獲甦政當撫卹使民樂於歸附則彼未下郡縣亦
必聞風而歸吾每聞諸將下一城得一郡不妄殺人

輒喜不自勝。升蓋師旂。

火。火烈。

避之。為將者能以不殺為心。非惟國家所利在。

蒙其福。爾等從吾言。則事不難就。大功可成矣。**[綱]**宋

關先生兵破上都。焚宮闕。**[綱]**太白經天。見上卷

[目]已亥。十九年春三月。元方國珍遣使以溫台慶元

三郡附於明太祖。**[目]**先是太祖遣使往慶元。今浙江寧波府

招諭方國珍。國珍與其下謀曰。方今元運將終。豪傑

並起。惟江左號令嚴明。所向莫敵。今又東下。婺州恐

不能與抗。況與我為敵者。西有張士誠。南有陳友定。

方國珍附
明太祖

質子

却獻

高光有所不及

莫若姑示順從藉為聲援以觀其變遂遣使奉書幣

以溫今浙江溫州府台今浙江台州府慶元三郡來獻且以次子關

為質至太祖曰古者慮人不從則為盟誓盟誓變而

為交質皆由未能相信故也今既誠信來歸便當推

誠相與如青天白日何自懷疑而以質子為哉乃厚

賜關而遣之國珍既又以金玉飾馬鞍轡來獻太祖

曰吾方有事四方所需者文武材能所用者穀粟布

帛其他寶玩非所好也悉却之義爾帝王之興識見自

太祖之待國珍則知漢之高綱夏四月趙均用殺宋

毛貴其黨續繼祖執均用殺之。綱六月。天完將陳友

諒攻信州。今江西廣信府元江東廉訪使伯顏不花的斤往

救死之。綱秋八月。元察罕帖木兒克汴梁。見宋劉福

通以其主韓林兒復走安豐。見上綱九月。明太祖兵

取衢處州。今浙江衢州二府綱初太祖克婺州。置分中書

省。召儒士許元葉瓚玉胡翰汪仲山李公常金信徐

孝童冀吳履張穆敬孫履皆會食省中。日令二人進

日令二人進講經史

講經史。敷陳治道。至是克處州。又有薦青田。今處州府青田

縣劉基龍泉。今處州府龍泉縣章溢麗水。今處州府麗水縣葉琛及

宋濂者。即遣使以書幣徵之。至建康。比入見。甚喜。賜坐。從容與論經史。及咨以時事。深見尊寵。既而命有司。即所居之西。創禮賢館。處之。時朱文忠守金華。復薦王禕。王天錫至。皆用之。

綱

冬十二月。天完將陳友

諒。徙其主徐壽輝都江州。

今江西九江府

自稱漢王。

綱庚子二十年。

漢主陳友諒大義元年。是歲天完亡。凡二國。

春三月。彗見

東方。

綱

夏五月。漢主陳友諒弒其主徐壽輝。遂自稱

帝。

國號漢。改元大義。

綱辛丑二十一年。秋八月。明太祖帥師伐漢。拔江州。

漢主友諒走武昌。先是友諒引兵犯金陵。敗滑

奔還。尋遣其將張定邊陷安慶府。見上太祖乃下令

諸將曰。陳友諒賊殺其主。僭稱大號。侵我太平。今江

平犯我建康。即金陵今又以兵陷我安慶。觀其所為。不

滅不已。爾等其厲士卒以從。徐達進曰。師直為壯。見

十卷今我直而彼曲。焉有不克。劉基曰。取威制敵。以

威王業。在此時也。遂督諸帥率舟師乘風溯流。逆流也

而上。遂克安慶。長驅向江州。分舟師為兩翼夾擊友

諒。大破之。友諒挈妻子夜奔武昌。今湖廣武昌府既而友諒

偽相胡廷瑞見江州已破遣使詣軍中請降太祖遂

至隆興見上建昌今江西王溥饒州今江西吳宏袁

州今江西歐普祥各率衆來見寧州屬南陳龍及吉

安今江西孫本立曾萬中皆來降乃改隆興路爲洪

黃河清黃河清十一月黃河清自平陸今山西平陽三

門磧陸縣東南黃河中流下至孟津見二卷五百里

齊清凡七日非瑞也見七四綱大饑

綱手寅二十二年春二月彗星見目木幾長星復見

於虛危之其形如練長數十丈綱三月明玉珍破

長星如練長數十丈

雲南夏五月。自稱隴蜀王。**綱**六月。彗出紫微垣。見上卷二

明玉珍稱
帝國號夏

綱癸卯二十三年。夏王明玉珍天統元年。吳王張士誠元年是歲并宋漢凡四國。正月。明玉珍稱帝于成都。建國號曰夏。**綱**二月。張士

明太祖都
陽湖之捷

誠將呂珍入安豐。見上。殺宋劉福通等。據其城。明太祖率兵擊走之。**綱**三月。彗見東方。**綱**秋七月。漢主友諒

圍洪都。明太祖帥諸將討之。大戰于鄱陽湖。要友諒

敗死。子理立。**綱**初。友諒忿其疆場日蹙。乃作大艦。咸

聲戰船。來攻洪都。見上。自為必勝之計。載其家屬百官。空

國而來以兵圍城其氣甚盛兵戴竹盾

開上聲

禦矢石

攻城城且壞守將朱文正趙德勝鄧愈督諸將死戰

且戰且築城壞復完已而德勝中流矢死內外阻絕

音問不通文正乃遣使赴建康告急太祖親帥諸將

發舟師二十萬進次湖口友諒聞援兵至即解圍東

出與明師遇鄱陽湖

在江西饒州府鄱陽縣跨南昌饒州南康三府之地即彭蠡也

之康郎山戊子徐達常遇春等諸將擊敗其前軍軍

威大振明日諸軍接戰至晡

補平聲申時

東北風起燔其

水寨舟數百艘友諒弟友仁友貴及其平章陳普略

皆焚死。辛卯。復聯舟大戰。自辰至午。敵兵大敗。友諒
奪氣。其將張定邊欲挾之退保鞋山。爲我師所扼。不
得出。斂舟自守。不敢戰。是夕。明舟渡淺。泊於左蠡。里
彭蠡與友諒相持者三日。八月壬戌。友諒計窮。冒死
突出。將奔還武昌。見太祖麾諸將邀擊之。友諒中流
矢貫睛及顙。顙。盧頭骨。而死。擒其太子善兒。其平章陳榮
以下悉以樓船軍馬來降。定邊乘夜以小舟載其屍
及其子理。徑趨武昌。復立理爲帝。改元德壽。旣而明
太祖復進兵圍之。**綱**張士誠自稱吳王。元遣使徵糧。

赤氣千里

不與士誠自立為吳王即平江治宮室立官屬元遣戶部侍郎博羅帖木兒徵糧於士誠士誠不與

綱冬十月山東赤氣千里

綱甲辰二十四年漢主陳理德壽元年。是歲漢亡。春正月明太祖

明太祖建國號吳

建國號曰吳二月官將伐漢漢主陳理降湖廣江西

悉平。時李善長徐達等以太祖功德日隆屢表勸

進勸勉進上不允。乃於是月朔即吳王位建百司官

屬以李善長為右相國徐達為左相國常遇春俞通

海為平章政事注廣洋為右司郎中張瑄瑄為左司

都事諭達等曰卿等為生民計推戴予然建國之初

陳友諒
金牀

當先正紀綱。元氏昏亂。紀綱不立。主荒臣專。威福下移。由是法度不行。人心渙散。遂致天下騷亂。今將相大臣當鑒其失。宜協心爲治。以成功業。毋苟且因循。取充位而已。三月。以武昌圍久不下。乃親往視師。督諸將擊之。擒其元帥張必先。旣而遣其降將羅復仁入城諭陳理。使降。理遂率其太尉張定邊等詣軍門請降。凡府庫儲蓄悉令理自取。城中民多飢困。命給粟賑之。於是湖廣江西諸郡縣相繼皆降。江西行省以陳友諒鏤金牀進。太祖觀之。謂侍臣曰。此與孟昶

七寶溺器

見六四卷二二

何異以一牀工巧若此其餘可知

陳氏父子窮奢極靡焉得不亡侍臣曰未富而驕未

貴而侈此所以取敗太祖曰既富豈可驕既貴豈可

侈有驕侈之心雖富貴豈能保乎即命毀之綱三月

明太祖定官制

綱乙巳二十五年春二月日旁有一月一星綱夏五

月大都雨

去聲見十四卷三十一

綱長尺許或曰龍鬚也命拾

而祀之

綱秋七月

元皇后弘吉刺氏崩綱九月元以

方國珍為淮南左丞相

分省慶元

綱冬十二月元立奇氏

日旁有一月一星大都雨

爲皇后

政奇氏爲肅良哈氏

綱丙午

二十六年

是歲宋亡

春三月夏主明玉珍卒子昇

立

昇嗣始十歲政元開熙母彭氏同聽政

綱夏四月明太祖兵取淮安

諸路

綱五月明太祖求遺書**目**太祖嘗命有司訪求

明太祖求遺書

古今書籍藏之祕府以資覽閱因謂侍臣詹同等曰

三皇五帝之書不盡傳於世故後世鮮知其行事漢

武帝購求遺書而六經始出唐虞三代之治始可得

而見武帝雄才大略後世罕及至表章六經開闡聖

賢之學又有功於後世吾每於宮中無事輒取孔子

之言觀之如節用而愛人使民以時真治國之良規
孔子之言誠萬世之師也綱秋八月元以陳有定為

福建行省平章政事綱九月元以方國珍為江浙行

省左丞相其弟國瑛國珣姪明綱明太祖取湖州今

明太祖立宗廟社稷

州府諸路綱冬十二月明太祖立宗廟社稷且時羣

臣皆言新城既建宮闕制度亦宜早定太祖以國之
所重莫先宗廟社稷遂定議以明年為吳元年命有

司立廟社建宮室典營繕者以宮室圖進見其有雕

琢奇麗者即去之謂中書省臣曰昔堯之時茅茨慈

節儉是寶

書此愈於丹青

以茅蓋土階采椽不斷取木為椽不斲削也可謂極陋然千古
 之上稱盛德者必以堯為首後世競為奢侈極宮室
 苑囿之娛魚窮輿馬珠玉之玩欲心一縱亂由是起
 吾常謂珠玉非寶節儉是寶宮室但取完固而已何
 必極雕巧以殫天下之力也既而新殿成制皆朴素
 命博士熊鼎編類古人行事可為鑒戒者書於殿壁
 又命侍臣書大學衍義見八六卷二三於兩廡壁間曰前代
 宮室多施繪畫予書此以備朝夕觀覽豈不愈於丹
 青乎尋命協律郎冷謙考正宗廟雅樂音律及鐘磬

等器。既又定樂舞之制。文武生各六十四人。

綱丁未二十七年。

夏主明昇開熙元年。是歲吳張士誠亡。

春正月。絳州

屬山西平陽府。

夜聞天鼓鳴。將旦復鳴。其聲如空中戰鬪者。

祖定
科取
士之法

綱三月。明太祖定文武科取士之法。先是令有司

每歲舉賢才。及武勇謀略通曉天文之士。其有兼通

書律廉吏。亦得薦舉。得賢者賞。濫舉及蔽賢者罰。至

是復下令曰。上世帝王創業之際。用武以安天下。守

成之時。講武以威天下。至於經綸撫治。則在文臣。二

者不可偏用也。古者人生八歲。學禮射御書數之文。

十五學脩身齊家治國平天下之道是以周官選舉

之制曰六德

知仁聖義忠和

六行

孝友睦婣在恤

六藝

禮樂射御書數

文武

兼用賢能並舉此三代治化所以盛隆也茲欲上稽古制設文武二科以廣求天下之賢其應文舉者察之言行以觀其德考之經術以觀其業試之書算以觀其能策之經史時務以觀其政事應武舉者先之以謀略次之以武藝俱求實效不尚虛文然此二者必三年有成有司預爲勸諭民間秀士乃智勇之人以時勉學俟開舉之歲充貢京師其科目等第各出

身有差綱秋九月明太祖兵克平江見上執吳王張

士誠以歸徐達常遇春執士誠綱冬十月明太祖命

大將軍徐達等帥師北定中原綱太祖既得徐達雄

撫有江南乃遣大將軍徐達副將軍常遇春率甲士

二十五萬北伐以定中原馳檄吸諭齊魯河洛燕薊綱

計秦晉之八綱明太祖定律令十一月頒成串曆綱

明太祖兵討方國珍降之綱明太祖兵徇行定山東

郡縣皆下之綱時徐達常遇春引兵由淮入河鼓行

而東首克沂州屬山東進取嶧州今兗州府嶧縣及益都今

兗州府

東青州府益都縣

於是萊州

今山東萊州府

諸習悉奉圖籍來降。○

山東既定。明年達與遇春會諸將於臨清

今山東昌府臨清

州率馬步舟師進克元都。元主集三宮后妃皇太子

同議避兵北行。詔淮王帖木兒不花監國。慶童爲左

丞相同守京城。夜半開建德門北奔。遇春等追至北

河擒皇孫買的里八剌而還。元亡。○元主駐應昌二

年殂。壽五十一。在位三十六年。太尉完者等奉梓宮

北葬。謚曰惠宗。太祖以帝知順天命。退避而去。特加

號曰順帝。而封其孫買的里八剌爲崇禮侯。

右元十帝共八十九年

